

緒光

涇潭縣志

清·吳宗周 修 歐陽曙 纂

光緒二十五年初刻 三十一年

增補 刻本 八卷

康熙二十六年歲次丁卯孟春月

貴州平越軍民府湄潭縣知縣楊玉柱

重修

湄潭縣志

卷一 銜名

光緒二十五年歲次己亥仲冬月

貴州平越直隸州湄潭縣知縣吳宗周

續修

教諭文 明

訓導高 愷

典史劉樹藻

修志批示

吳宗周

據稟開局修志各條已悉雖未驟期成效然草創規模大概已備該紳等情殷桑梓闡懷時局不以欸費未集綱目繁多畏難中止足徵苦心孤詣銳意圖功可嘉之至仰即如稟將先籌公款五十金刊發條規開局創辦所稱秉筆暨執事各生亦即面呈清單分別闕聘札諭以便舉辦從茲迴溯時變蒐羅舊聞其間山水之秀靈人物之蕃盛風土之沿革學校之興衰以及文章節義之精華草木蟲魚之奇異宏纖畢舉鉅細不遺將於此昭信史觀厥成焉本縣寶深慰幸至局費一節自應隨時籌繼官紳共勉務集狐腋以求蕙事勿貽誚蛇尾而隨乃功尤所切屬此諭

湄潭縣志

卷一 批示

補修涪潭縣志敘

夫志猶史也雖鉅細畢登要必有所
重史作於上莫重於別賢奸故有褒有
貶志倚於下莫重於揚忠節故有褒有
貶凡以為激勵愚蒙轉移風化計也不
文則陋不簡則繁不列則不備列漏

涪潭縣志

卷首 序

一

此何如艱鉅猥云補修哉且夫荷守土
責其事在得已固未可妄與事在當行
又豈容久廢登覽志經楊前縣石臣
修後廢墜其且二百餘年嘉道而上遠
莫多稽至咸同之際劫應恒平諸男狎
克完大節而有特表彰其曷可勝道

倘再愆忽歲月能勿與石火電光同景

乎乃疊議補修經揮不就孰主宰

是而顧若生周竊慨之亟思力持生既

又甚慮非得宿學莫司其事非為和

衷莫勦其事非堅忍耐久莫成定

躊躇懷來此屢已道邑紳等以是為

涪潭縣志

卷首 序

二

請以舉見任鎮遠府學歐陽廣文與
其筆謂是曾著記事微言為書受
有心於斯世聘之當必來至採訪籌
款為要件唯命指使不敢辭周既幸
此間之大有人也又幸此君之相與戮
力而宏獲我心也爰為刻於闕角六閱

月遂歲事嗟乎天下事往之廢打自
循而無於振作有志共事竟成諸君子
殆所得確乎不拔其守而愚蒙之激勸
風化之轉移者於斯志是賴又况

國家昇平日久尤堪備他年 輯軒下
採之需其美有不可殫述其因樂

湄潭縣志

卷首 序

三

為序時

光緒二十五年己亥夏六月中澣

知湄潭知事黃滇吳宗周序

於漢槐軒



補修湄潭縣志序

天下事謀之自人成之自天不可強也而
况歷年二百始一舉行如湄潭之補修縣
志哉夫志猶史鉅細悉備要莫切於微顯
闡幽雖在匹夫匹婦苟能身樹忠節亦可
名列簡編蓋以表既往即以勵將來也湄
志自楊公石臣修後到今寂如其遠不可

湄潭縣志

卷首 序

一

稽者固付諸無可如何之數至咸同近事
為耳目所能及而六聽其泯焉漸滅下與
草木同腐忠魂烈魄能無怨乎是湄志之
宜修不自今日始也曩者光緒丙戌 扎
公詠濤來宰湄 曙同李君廷瑛暨五六同
志以修志請業蒙允准突以他務梗遂不
果嗣是癸巳知湄事者為 王公采臣於

稟撤烟稱釐清公租之餘亟思續修縣志

聘得王君榮槐來未逾月王物故又不果

迄於戊戌尹茲土者 紹伯吳公也藹藹

然有儒者氣象所聘掌院為安君盤金兼

以修志事寄之行將開局安又物故仍不

果 吳公因是慨然曰是果有天耶抑何

屢興而屢躓也雖然斯固守土事我當力

湄潭縣志

卷首 序

二

肩之庶可以人勝天而結此二百年未結

之局乎爰籌款遴紳布置一切旋以纂修

之任來相責謂曙曾有是志而不登老將

至而學漸荒也聞名之下且愧且感雖在

鎮服官未遑兼顧而桑梓鉅舉命何敢方

因是束裝就局亦聊以畢生平未遂之願

而又兢兢焉惟不克勝任之是懼所有條

目序例悉遵貴州通志作依樣之胡盧至

揚忠表節一秉至公敢詡筆自我搯乎嗟

乎往事已矣後事孰期昔請修而不獲今

欲辭而未遑相判遂若霄壤信乎天人之

際有不可得而強者獨修志一端而已哉

國朝幅員萬里漸被無疆曾於康熙二十四

年

湄潭縣志

卷首

序

三

詔天下各省修府州縣志以備一統志採擇自

時厥後

聖聖相承

重光久道用是略序原委預儲他年輶軒下採

之用云

皆在

光緒己亥仲夏月二十二日邑人歐陽曙

謹序於湄志總局之大公無我軒

原叙

人地之盛都人士艷稱吳越夫吳越信盛矣然遠
稽史冊夫非周之荒服歟何以多歷年所炳炳焉
烺烺焉推近今之名區也哉蓋天地菁華之氣蓄
之久者其發必盛所以山川所鍾奇秀輩出兼有
良吏為之振作於其間如文翁之於蜀常袞之於
閩是也黔通中國自莊蹻開道始峰明水駛丹砂
醴泉出焉其蓄愈久其發宜愈盛乃建省二百餘
季而人物尚有遜於中土者以屢丁兵燹故不能

湄潭縣志

卷一 原叙

四

無待耳縣治湄潭舊為播境後隸平越其山川土
田風俗人物黔乘載其大略邇緣變亂率皆殘缺
縣令楊石臣獨為詳其風土悉其原委彙為縣誌
而求叙於余余觀黔地遐荒官於斯者易生厭薄
且多稱他省之盛以侘邊徼今石臣乃竭心殫慮
溯往事而誌時艱則其加意於疆土人民為何如
也余校士黔南竟未親歷湄土今覽誌如列掌上
且閱石臣之教約條議與其題咏則痼瘼是切足
規其吏治之一斑矣昔從龍之牧麻哈也聘鄰邑

諸生教訓州人遂成文物之鄉迄今傳為盛事然

則吏茲土者宜留意綏戢俾夜郎邊陲與中土並
盛是即石臣為誌之心也夫亦即余叙誌之心也
夫

皆

康熙二十六年丁卯孟春穀旦

賜進士出身奉政大夫提督貴州通省學政按察使司
僉事前刑部郎中北海畢忠吉撰

湄潭縣志

卷一 原叙

五

湄潭縣志目錄

天文

卷之一

星野 氣候 祥異

地理

卷之二

輿圖附建置 疆域 形勝 山川 關梁

場市 風俗 古蹟附古樹 邱墓

營建

湄潭縣志

卷首 目錄

一

卷之三

城池 公署 學校 書院 義學 公田

壇廟附寺觀

食貨

卷之四

戶口 田賦 蠲恤 積貯

農桑 物產

秩官

卷之五

官制 職官 名宦

武備

卷之六

兵制 師旅考 年表 營砦

人物

卷之七

選舉 鄉賢 宦蹟 孝義

忠烈附陣亡 列女 流寓 仙釋 方技

藝文

湄潭縣志

卷首 目錄

二

卷之八

諭誥 議頌 論辯 序記 文

傳附碑記 詩 賦 雜記

湄潭縣志凡例

一縣之有志與全省無殊須綱舉目張庶合體例
茲仿貴州通志列為綱者八用統眾目以類相從
庶有條不紊

一舊志止繪縣圖茲增繪輿圖而係以說並繪全
境山水圖採李廷瑛山水略以證之自可瞭如指
掌

一建置舊志僅載自萬歷平播建縣始茲採遵義
府志將歷代沿革廢置補入

湄潭縣志

卷首 凡例

一

一疆域舊志載道里太繁茲遵通志例僅詳八到
遠近及至州治省垣

京師里數

一山川做通志例先城次鄉先東次東南次南山
名同者附於前見之山俱先近後遠其山水之名
亦分先後以類相從凡山先山次峯嶺岡坡次圉
洞巖石其名不經見者俱次於後若於山中有坡
嶺巖洞者即連及之不另為類凡水先大次小次
溪澗水泉次池堰溝井其名不經見者做山例

一壇廟寺觀首載列入祀典者民間私建並附之

莫多於 文昌 關帝各廟次載各省專建者如

楚人之於禹王宮豫人之於萬壽宮之類是次載

各藝術同建者如織造之於蠶王宮醫門之於藥

王廟之類是又有無分畛域為眾人求福禳災之

地而建者如玉皇閣觀音廟之屬尤不勝枚舉倘

或名不雅馴而有類淫祀則屏而不書懼陋也

一場市通志不載茲係縣志理宜詳列照山川例

先東次東南又於各方各隅先大次小可一覽而

湄潭縣志

卷首 凡例

二

知

一古蹟湄潭建縣未久所載無多茲徧訪故老得

數則錄之以備一類

一風俗移易關乎教化教化因人而施湄既用夏

變夷人民非舊自堪漸摩仁義服習詩書故蒸蒸

然與中土同風一洗從前之陋云

一學校茲據遵義府志謹將

國朝

列聖欽奉

先師孔子贊謚匾額暨 先賢 先儒兩廡位次恭照

詳錄並將歷代學攷

欽頒禮儀樂章祭器祝補入俾城鄉士子知所景仰凡

學校中鉅件並附於後

一田賦原額載在通志兵燹後多不符今照光緒

二十四年徵收條銀秋米開載以備查考

一考舊志向設有常平倉三間義倉三間悉燬於

賊肅清後惟建義倉十間貯穀四千餘京石悉輸

自民間者

湄潭縣志

卷首 凡例

三

一物產湄較他邑為備除五穀外以山絲家絲為

大宗又產茶漆辣楛桐棧各物民間均沾其利近

日罌粟則又無地不產其利固厚害亦無窮以外

飛潛動植所產尤眾謹照通志例首穀次蔬次貨

次果次藥次草次花木次羽毛鱗介以免參差

一職官通志僅載知縣自建縣迄乾隆六年止楊

志雖列教職典史僅迄康熙二十四年止以後仍

失考若武職楊志亦略而不載茲徧訪黎獻於所

及知續記於後失攷者聽之至占籍任年有無外

誤則非所及知

一選舉可攷者與職官同進士舉人仍迄乾隆六

年止拔貢歲貢仍迄康熙二十四年止謹將採訪

收入者附各類後

一名宦鄉賢俱祀於學宮載在祀典以昭慎重

一武備舊志所載無多茲採通志補入至咸同近

事凡由採訪得者謹按四里分為年表俾知各里

練團立營之由而出力效死之人亦得備書

一載烈婦節孝首 題旌建坊次 題旌未建坊

湄潭縣志

卷首 凡例

四

次官長賜匾額嘉獎又次雖未 題旌嘉獎而夫

亡與守節之年尚可查攷至年分失攷苟鄉閭無

間姑為從寬載入以勵節操

一藝文各類先列楊志次載新收其無關志體雖

卓然大雅不敢妄收

涪潭縣志卷一

天文志序楊公石臣舊志各類均無序今照貴州通志增之所列條目亦做通志下同

星野祥異 氣候

天度三百六十經星布焉中國幅幘雖寬僅占地球之一隅而以配周天之經星談天者往往疑之然保章氏首列星土左氏亦屢言歲次則由來舊已涪即邊徼下邑既入

皇圖應占星野矣惟是涪隸平越孤懸江外而地不相連實為遵義東境之餘壤所占星野自當與遵同

涪潭縣志

卷一天文

一

星而異度不必以江內所隸之本州相拘牽也

聖天子效天法地四表光昭有不星輝雲縵共樂

堯天哉述天文志首星野氣候祥異並附焉

天文志

星野

禹貢梁州之南裔入參七度占鶉首之次

定分星者當先辨地理始察播州古牂牁地而涪

為播州之東境雖與平越同屬播有烏江之限惟

涪去播咫尺乃其外三里四牌地非司屬可比故

江內三州縣為荊州之西鄙入井鬼分野而涪為

梁州之南鄙則入參度無疑照舊志增省之


按參七星占七度五十分位次申以臂作葉七星皆明天下兵精星經曰七箇參星三代橫玉屏

涪潭縣志

卷二星野

二

軍井參左臨天厠四星下一矢井下直樹二屏星



井八星三十一度位次未行河上天井正明天
 下太平星經曰井八星井宿之河上五侯橫北河
 三星西積形井傍一錢四水位二星四瀆南河
 軍市圍中一野雞丈人子孫各二星四瀆南河
 關邱孤弓九星夫一星關邱之下狼星一孫傍一
 箇老人星彷彿志圖並繪之

按衛既齊志曰黔古無分野之說郭子章黔記曰
 黔地連楚蜀總之不出鶉首鶉火鶉尾之次班固
 謂井鬼秦之分野牂牁越雋二州皆宜屬則自平
 越以上為參井無疑僧一行曰懸象於天其本在
 地星之與土以精氣相屬而不係於方隅魏太史
 令陳卓謂牂牁八參五度楊石臣志以涪八參七
 度想亦考據不差參遵義府志

天文志

氣候

涪介遵思石三府間與蜀為近氣候平和雖寒不
 嚴雖暑不酷昔人咏黔有云四時皆似夏一雨便
 成秋洵不誣也山澤間悉就開壑亦無瘴毒之氣
 田功二月始犁恆於清明節播種或以穀雨四月
 插秧若遲至蒲節不因天旱必係惰農納稼每在
 中秋節前山坡上土多石少氣候無殊平地可以
 種收麥包穀蕃熟黃豆洋芋之屬以佐饔飧

天文志

祥異

明

萬曆末年蝦蟆數萬圍城一匪識者以為兵戈之象至天啟元年果有王倫之變

國朝

順治十五年民間驚告有抹臉賊來日夜聚眾防守數月乃散抹臉者割人半面以去也相傳羅鬼之俗渠長歲抹人臉以祀神昔年流寇孫可望在

涪潭縣志

卷一 祥異

五

黔忽傳調羅鬼兵自助降神卜之神曰抹萬人臉祭賽出兵乃勝可望許之千使人四出盜殺而取之實無是事也所在震動而涪中為甚官吏亦走匿他所 十六年大旱斗米一金

康熙二十年大疫次年復大飢 二十五年閏四月初三日大風雹以上載舊志

嘉慶元二年大旱民飢 十七年大水衝決田禾無算為百年未有之水

道光七年八年大旱民飢 十三年夏城內白蝶

紛飛盡向南去時李公亨謙宰涪出示諭民謂昔

王倫倡亂兆於蝦蟆圍城今白蝶紛飛想非佳兆理宜思患預防以固土宇但不知應於何時 十

九年八月某日將晚有星神自空際降於永興場後周家坡光如閃電幻作人形長逾三丈手秉火

炬大嘯七聲向西飛去 二十三年秋旱未傷禾

二十六年雷擊寶洞顧姓榭樹木屑插入地內

密若麻林高六七尺縱橫數十丈 二十七年寶

里冷溪民婦陳姓一胎三男 是年五月二十一

涪潭縣志

卷一 祥異

六

日大水 二十八年五月大水八月又大水損傷田禾無算

咸豐三年大有年經里陳姓田一莖二穗邑人江峯紀以詩有當陽自獻陳陳好之句 四年太白

晝見自秋七月大旱至五年三月始雨是年境內多火災經里永興場於八月十一日上街火十四

日中街又火十七日下街復火焚燬居民五百餘戶災前數日中街唐姓糞池內陰火起移刻始滅

又時起狂風汲水器亦吹入空際 六年夏啟一

甲土溪民家母產一象鼻長碍食逾時自殞
是年秋啟六甲官田壩前後十餘里鯁鱖螺蚌之
屬無故自死田畝溝渠到處枕藉 七年野獸入
縣治二堂 夏永興場外曾姓豢一母彘產十二
豚皆多耳有至十六隻者 八年桐樹結實形扁
如刀至十月花再開 縣城南門之犬與北門
之犬鬪於城後迴龍山不下數十百隻勢如列陣
每早鬪至巳刻方散甚有不可解而死者三日乃
罷又三四月間有無數瓦雀結隊飛鳴千百為羣

湄潭縣志

卷一 祥異

七

上下縱橫不定數十日始不見 九年境內南瓜
籐多有如龍形者長八九尺寬六七寸遍體花葉
密布時人呼為瓜籐龍又冬十月柳葉重發裊裊
垂綠無異春時 十一年夏長星見西方光芒射
八天河二十餘日乃滅冬雪深三四尺冰厚六七
寸刀斧不能破行人苦之

同治元年四月初間有黃白飛蛾無數向西飛去
絡繹不絕連飛四五日至川界而止蛾悉死後黃
白二號賊由黔竄入川界 五年夏大旱 八年

五色雲見是年劉逆等渠賊就擒全省報肅清
九年楊家山某夜見血異多洒於庭中但聞犬吠
不止黎明人起方知遍街查視惟遺四戶無血
十年十月十九日城內失火延燒四十餘家 是
年臘月晦辰刻大風巳刻大雷雨午刻大晴寒燠
不常一日備四時之氣 十一年五月十一日大
水訛言有蛟龍起山崩田決無算城內亦水深數
尺 戊辰年七月十三日啟一甲黃都壩蝦蟆洞
大風雨雹拔木損舍 十二年北關外火對面延

湄潭縣志

卷一 祥異

八

燒止存一二戶

光緒五年五月二十四日黎明地動門壁震響有
聲 是年城內大火延燒居民百餘戶張姓牝驪
生駒又新六甲田壩梁姓豕產白象逾時死 夏
大旱五旬 六年某月日申刻晝晦如夜移時始
明 七年秋淫雨五旬 前二月初三日縣城中
街火延燒二十餘戶至縣衙方止六月復火延燒
十餘戶 八年彗星見於西方十餘日乃滅 寶
八甲厚山未見雙穗 十年七月永興下街火延

燒百餘戶省門發帑金百餘賑之本場未災富戶亦多出金助賑 十三年十月永興中街又火焚民舍百餘戶省門仍發金賑之又永興教屠宰豚肩上見出印記長二寸許寬一寸許 十五年經四甲大風雷山糧山蠶皆損秋淫雨壞穀 十六年城內南關內火城樓均燬 十七年除日晨時虹見西方 十九年青塘寺厚山民婦張氏一胎三男 二十年七月二十五日午刻地動婦孺驚啼 二十一年六月十六日太白晝見是年自前

湄潭縣志

卷一 祥異

九

五月初旬不雨至於七月大旱七十餘日良民思逃莠民思亂幸知縣王人文至誠祈雨竭力賑民卒賴以安 二十二年全境大飢窮民鋤蕨根為食甚有食觀音粉即禹貢厥土白墳是也雜糠粃為餅者因之痞滿而死者無數 夏五月二十七日午後大雨雨止有蝦蟆無數繞城一匝絡繹不絕 秋夜有豺數十聚於牛場西偏之乾田壩忽一虎奔至豺不為動一巨豺突前與鬪羣豺四面助之終不勝虎咬斃巨豺各散去 窰上王姓有婦生一蛇

知不祥當磔之 木窰坎殷姓有黃牛生一犢五足數日不食死 二十三年大有年夏四月初六日卯刻西方白虹見蠶大熟 二十五年三月初六日啟一甲土溪大雨雷罌粟山糧皆損 土溪兵燹時黎連喜陣亡尸存原野其家一犬卧守數日不食亦不去葬後方去 光緒十九年六月十五夜一火星自東南角降下落於猪場越十二日火從東北延至西偏轉正南而止知縣王人文往勘各家給錢千文不分湄寶誠惠政也

湄潭縣志

卷一 祥異

十

黃吊壩

牛場

肅清後均失火興轉

同治甲子間綏陽場數里野狗與家狗配合僉云異也獨貢生田公甫謂相殘而相合太平之兆也後果然

地理志序

輿圖 建置 疆域 形勝 山川 關梁
場市 風俗 古蹟 邱墓

涪居平越之北鄙孤懸江外不啻甌脫介遵思石
三府間惟正南一面與同屬之甯餘接壤山川明
秀田土沃饒風物頗似西蜀涪於前代無考通志
以為禹貢梁州南徼蠻夷地不在九州之限自隋
置義泉縣始入版圖厥後廢置無常聊示羈縻而
已明萬歷時平播設流乃分播為二以播州東境
三里四牌地置涪潭縣隸平越即向日義泉舊壤

涪潭縣志

卷二 地理

一

也我

朝因之數百年來摩義漸仁咸沾

聖化前明苛政一概蠲除於是士食舊德農服先疇而

曩時蠻夷靡有孑遺矣故到今悉屬客籍不見有

土著焉述地理志

地理志

縣境全圖

涪潭縣志

卷二 輿圖

